

蒙氏族谱

公元一九九一年冬农历辛末年冬续修谱

公元一九九一（辛未）年冬重印

蒙氏族譜

广东省政府主席罗卓英敬题

批评指正，
诚恳接受，
不胜感谢。

卷二终：

琼海县琼城印刷厂承印

(地址：琼海县塔洋华侨小学左侧)

公元一九九二年元月吉日

卷二 目录

艺文篇

廿三、 条岐八景诗

廿四、 还金帐序

廿五、 姓氏原委略

安定郡解

廿六、 议修谱启，修谱启局告祖祝词

修谱竣工祝词，咏谱告成赋

廿七、 祠堂记

寿文，寿序，寿赞

廿九、 像记，像赞，节孝赞

三十、 行述，女传，墓志铭

卅一、 条岐八景诗

卅二、 劝善诗，戒恶诗，二十四孝诗。

卅三、 教儿读书诗，课儿学写诗，勉学诗

卅四、 杂志

卅五、 编后记

蒙氏族谱卷一下

艺文小引

夫谱原以纪实录。非若骚坛之仅以才华相尚、艳丽相高也。而兹编必之以艺文者何。每见世之人，有心迹光明、志行高洁。而究未免不学无术、讥者非以无文之故乎。盖质而不以文将之，必鲜温雅之度。言而不以文出之，难语道德之华。况前言往行，其足启人之善心者，即足惩人之逸志。故兹编之刊，凡所云、记、序、传、赞者，前人笔之，隐树孙子之规模。后人览之，宜凛高曾之矩矱。自是仪型念切，不愧肖子贤孙。由此讽诵功深，竟多文人学士。即毗阴毗阳，或有不齐之质。苟能取劝戒之篇，而时加细绎，自必默化而潜移。迨至书声振，科第扬。识者不早知其致此之有由也哉。余所为纂谱编，而必终之以艺文者此也。

赠条岐八景序

内閣大學士

邱

浚

仲深

琼城之东，两舍许，有胜地曰条岐。其山谓之岐山。山之形，若树屏然。苍翠之色，四时不渝。山之下有水。水之流，纡迤若带，缭绕乎田埂之间。其田弥望可数十里。越田而南，有圩市焉。乡人之贸易者，恒辰集於是。

蓋亦一方之胜景也。友人蒙亨時中，世居其間。居之前有池，池之中有島，島之上什植花木。而環其居者，又有榕樹、榔樹之屬，遠而望之，郁然深秀之中，棟宇隱然在焉。則又據山水之胜而獨得之者也。君以易经發身显科，游宦四方。因即其胜，厘為八景，携以自隨，遇能詩者，輒請賦之。以予為同學，而特以序見屬。夫蒙君明易者也，而君之姓，即山下出泉之象。而君之居，上山也，下泉也，又與蒙之象合。觀於山也，有艮之象。觀於水也，有升之象。觀於水之流也，有坎之象。觀於水之止也，有兌之象。於山而耒耜也，有益之象。於市而交易也，有噬嗑之象。一寓目之頃，而易之理備焉。矧君之姓蒙也，名亨也，字時中也，於蒙卦之义尽矣。則其於俯仰之間，顧瞻之際，而八景者，灿然於目，油然於心。所謂思不出其位，積小以高大，以常德行，以資講習，以足天下之食，以致天下之民，所以修身致用之具，尽在是矣。豈獨玩适而已哉。夫天地間，无往而非易。易之象无往而不有。有是象則有是理，君专门以易，其造於易之理也必深矣。予因推易之义以序之。君之子克昌，从學於予，亦傳君之易學者也。質粹而幼悟，蒙九二之克家子，其在茲乎。岐山之山水不徒然矣。是為序。

龙岐德范公端还遗金帐序

南京都御史 海瑞 刚峰

今天下何世哉。予筮仕得游中都，历天下。既归乡闾，叹世君子，每有财帛世界，今不如昔之说。予始闻而疑之，以为此特市井小人，自为风俗。性中只有个仁义礼智，我辈读书，知礼义，辨别素明，天光焕发，当不如此。已而交与益众，经历既多，乃知我辈出没於声色货利之场，不得已奔走於富贵利达之际，老死不休。蚁之附腥膻，蛾之投燭火，无以异也。视市井辈反为过之。古昔公道大同，利无彼己。下此小康，人渐浇漓。叔季世利趋，便夺发冢。诗云，曾是掊克，曾是在位。此真叔季之末者耳。讲明於读书穷理之时，不自欺心於暗室屋漏之际，难乎其人。又不必言矣。攘攘利往，天下皆然也，而谁与易之。予之诵此言久矣。一旦龙岐父老，抵予舍揖而言曰，村蒙生端，字德范，县庠弟子员也。素有行义。问厥所以，则曰先辛未三月海寇犯村，举村挈家奔散。家用百凡，无暇回顾。余达妻特持包袱裹银肆拾两，及餘物，匆匆失之。生后至左右前后无有见焉。生亦不知得之远近人间物也。数日知失主姓氏，当官众完璧归之。包袱内藏，纤介无失。先是张氏讼官，疑似扳指，官追为急。乃生心事，

白日青天。有是举也。不徒决疑狱於一朝。而因得以脱周隆张衡斗争不已之患。不为利己。不为祸人。分金酬复。生视之若将免焉。予因余达之恳求。村众之怱怱。生原非我有。原无此义之言。又若义利之辨。有以豫明於先。取舍之分。不待今虑之而后得之者。吁。贤矣。生居家以礼。孝友无间。姑勿悉。只今居财帛世界之中。独能自脱於财帛世界之外。义利之辨别不爽。屋漏之昭鉴如见。有之乎。不复有斯人也。而今乃有之。诗云。谁将西归。怀之好音。因乡父老请。不辞而为之序。府县奖生喻义。学宪王公进生廩膳生。加优礼。上人之所自为可矣。生志趋远大。举此措之。何所不可。区区见与於人。生之初心。不如是也。不详及云。

姓氏原委草略

岁貢生
三世祖

道
宏毅伯

稽吾蒙氏。伏羲之苗裔也。羲本风姓。其王天下时。河中龙马负图而出。因象之以画八卦。而开经学之祖焉。厥后历唐虞夏商。世守候封。绳绳勿替。周武王得天下。封羲后於颍臾。为鲁附庸之国。以主东蒙山祀。至春秋末。国为齐灭。颍臾子孙。居蒙山下者。即山取义而以蒙为姓焉。至战国始有骈公仕秦为大将。征伐有功。爵上卿。卜居於雍州安定郡渭水。

至战国始有懿公仕秦为大将。征伐有功。爵上卿。卜居於雍州安定郡渭水

之西。传武公为裨将。再传恬公初典文学。继为大将。以功官内史。及始皇并天下。使恬公将兵逐匈奴。筑长城。延袤万馀里。令后世得免匈奴之患者。公之功居多。时公略地至中山。取兔颖造笔。以示词坛。至今资赖之。毅公官上卿。赞谋帷幄。际遇特隆。又有嘉公者官中庶子。因误引荆轲遇害。自此以后。兵燹频仍。历汉而后。世故变迁。姓氏不见於史册。无由考证而实录之。而至今。山西犹称为宦族焉。惟至宋有滋荣公。以举人自山西来广。任番禺县丞。见广之风土人物。不减中州。遂入籍於番禺之河南窖头村住焉。是为入广始祖。嗣后数传。有鹤清公登宋进士。官至都谏。迄鼎臣公以客籍琮。即为来琮始祖。自此广琮分派。族姓繁衍。但遗编蠹蚀。其详不可得闻。惟即臣公籍琮以来而草记之。始住海田。继移龙岐。生隣公。隣公生严父与叔四人。叔仍祖居。惟严父择迁条岐。各衍其绪。夫前之世系谱牒几湮矣。使籍琮而后。並不思为实录以传之。窃恐岁更世异。嗣后无由而稽。宏之思为草记其略者。亦欲后之子子子孙孙。数典无忘。咸知千枝万派。无异同源焉耳。

安定郡解

增广生十
九世孙

肇

封

克一

夫譜之修也、大抵序氏族之源流本末、聚處所安者、泰然常安、分居无定者、厘然各定耳。即如我祖受氏之初、以蒙为姓、内外先君子已备志之、而其郡取义安定、尚略而弗讲、心窃歉焉。尝读易曰、安其身而后动、定其交而后求。书曰、安定厥家。诗曰、乃安斯寝、耆定尔功。礼曰安定辞、以及春秋、安天王之春、定太子之位、安定之取义大矣哉。盖安天下之众、定四海之民、君子乐之。况族中尤不可以不安、尤不可以不定者、蒙业而安、安居弥堪乐业。蒙前所定、定位益可光前。且蒙以亨行时中、安怀信统老少定也。抑蒙以养入大学、安虑得由知止定也。九二之包蒙、安厥子以定克家也。六五之童蒙、安幼主而定于一也。以安祖宗、昭穆定也。以安夫妇、乾坤定也。以安子孙、男女定也。是不惟恬公协於悦安、毅公应以坚定也。诚欲世世子孙、全下安上、以勸王道、赞易定礼、以正圣功、而长辉光於果行育德之堂云尔。

议修谱启

必 春

余姓自明清革除而后、迭经兵燹、族姓离居、谱牒散失、少有存者。至嘉庆丁丑、众兄弟会同纂辑、其时会纂者、固幸编校付梓已、但漏遗阙

至嘉庆丁丑，众兄弟会同纂辑。其时会纂者，固幸编校付梓已。但漏遗阙

略，在所不免。而补续之功，竟不能无赖夫后人也。迄道光戊戌，曾经补辑续纂。而各支互异不齐，与纂者未及半。故续而仍如未续，补而仍如未补也。兹者睹运会之有殊，慨谱牒之未备。因与诸伯叔兄弟商量，思为大举重修。凡昔所与纂，並昔所未及纂者，尽约於来年二月十五日，齐集新村祖祠共议。並各自带从昔旧谱到来。随录新草接送，以便校阅纂辑。於漏者补之，略者详之。使族姓之祖孙父子，兄弟叔侄，累若贯珠。披阅之余，虽异地连县，不啻比门接户。昔之视如秦越者，今则视等骨肉矣。岂非祖宗在天之灵，所欣欢窃幸者哉。是为启。

修谱启局告祖祝词

必春

洪惟我祖，泽庆无疆。琼邦发迹，奇甸扬芳。分支别派，异井殊乡。人更时代，世阅沧桑。惟资谱牒，以纪休光。虽经重辑，尚有遗忘。爰邀族姓，续纂篇章。缀残补漏，提领挈纲。修明世系，备列行藏。谨遵前帙，匪敢更张。伏冀我祖，降鉴馨香。静中指示，暗里昭彰。牖开愚昧，聚集天潢。支支奔会，井井来襄。同心同德，无怠无荒。昔所阙失，今各增详。而今而后，愈炽愈昌。祖功宗德，奕祀灵长。谨告。

修谱工竣告祖祝词

必春

祖功宗德、恃谱牒以流传。派别支分、赖修明而条贯。在昔丁丑、辑著难语全书。即至戊戌、续编犹非大备。睹其缺漏、因虞后此之难稽。念厥宗支、爰思及时而重纂。明知予怀之固陋、敢惮此日之勤劳。惟竭夙夜之精忱、用稽尔时之散佚。岁数必求其确据、搜遗稿而订前编。世代不使其参差、辨豕鱼而徵志乘。因其端而竟其委、即流穷源、博为采而广为搜。参稽互证、劝惩备具。一循史乘之规、体例维严、竟凜高曾之矩。非固期与前编互异、自恃心裁。亦惟欲使脉络可寻、无淆世序。系图则昭穆分而源流贯。行略则纲目举而法戒昭。圣典家训、则与宗仪而並称详悉。序记传赞、则偕律诗而共著炳麟。自开局之年、迄收功之岁。数经寒暑、几阅春秋。卷帙装成、敢登堂而告竣。馨香上达、爰捧诵而至虔。伏冀我祖、谅其愚意。不加忘作之诛。鉴厥苦衷、竟体赞修之志。从此水源木本。阖族共庆滋蕃。玆看颺衍瓜绵、奕祀永显昌炽。谨告。

咏谱告成赋

巡崖十八世孙

崇瑞

信廷

根深蒂固、源远流长。本之不立、末何以昌。物本乎天、尝兴怀夫秋

根深蒂固、源远流长。本之丕立、末何以昌。物本乎天、尝兴怀夫秋

露。人本乎祖、每致念於春霜。国史自古皆有设、家谱於今亦宜详。思宗支之奕奕、念姓氏之洋洋。家乘纂修、溯祖宗渊源有自。谱书辑录、知子孙继序其皇。原夫蒙之为氏也、伏羲所遗、颛臾之嗣。前主东蒙之山、后为西秦之帅。懿公武公为上卿。恬公毅公居高位。却匈奴而力有馀、造颖毫而恩遍被。三军之帅可行、百里之命须寄。威加塞上、南下牧马而逡巡。气慑边隅、北人闻风而畏忌。乃若自秦至宋、荒远难知。入琼由广、脉络可推。臣公籍琼、传孙四支。或於元而别派、或於明而分支。族姓蕃昌、科甲蝉联而不断。子孙发越、簪缨栞叶而相随。既相传夫弓冶、亦克绍乎裘箕。派派不无图略、支支各有庙祠。据半不全嗟予立、提纲无目虑偏陂。非惟我祖我宗、不见流光积厚。抑亦文孙文子、曷由植本村基。时乃追畴昔、溯多年。思裕后、务光前。辑著者综理而汲汲、编校者会集而乾乾。各支送稿而笔削、当局校正而成篇。细按宗支无误、揭明义蕴堪传。诸尊鼎力、合族共虔。余忘固陋、志切承先。助半臂以成功、彷彿星偕月照。辅诸人而效力、依稀璧合珠联。於是览其图书、观乎略注。族不稀微、谱皆列布。骨肉不以讐仇视、昭穆攸分。兄弟无至胡越观、尊卑毕具。散还合兮曷危疑、疏复亲兮同好恶。绳祖武兮累累、裕孙谋兮数数。众既

陈告竣之词、余亦制观成之赋。

颂谱告成歌

十九世
孙 特

拔 璋如

家世渊源出伏羲、颛臾封国嗣宗支、为鲁附庸东蒙主、取氏於蒙实肇之。春秋之季相侵伐、宗社遂为齐所没、战国苗裔入西秦、爵秩显荣称阅阍。鹖公始仕为上卿、封於安定郡有名、武公嗣职居高位、恬毅二公佐兼并。派衍汉晋历隋唐、阅世虽多不可详、绿经鼎革兵燹后、旧谱湮然失所藏。逮至有宋滋荣公、居住窑头隶广东、数传鹤清公三子、臣公迁居琼邑中。再世笃生孙有四、子姓分居於异地、来琼始祖断推公、各支皆有谱可志。世系相沿历年年、合族思将谱牒联、邀会宗藩公所好、纂修世系集成编。上自祖祢迄子孙、支派分明合本原、琼南萃聚渭西族、瓜瓞螽斯类实繁。家乘修成无脱误、牖列若星罗棋布、昆仲靡视为越秦、骨肉宁等於道路。谱书通族尽包罗、辑录诸公用力多、今将告竣修完事、庶可长赓协理歌。

西园宗祠匾额箴

二十世孙
例贡生

烈

文

扬廷

养正堂

箴曰希圣之功。惟养以正，曾子省身，仲弓居敬。视听言动，非礼勿前。请事斯语，厥惟颜渊。溯天命衷，人已同赋。性因习移。圣凡异路。惟狂克念，扩充善端，操存省察，顷刻难宽。私意偶萌，遏之心力，欲净理纯，曰明明德。汝今而后，积学砥行，志应求我。蒙道大亨。

西园建大宗小宗祠记

二十世孙
例贡生

烈

文

扬廷

予少读礼经。曲礼有曰：君子将营宫室，宗庙为先。而知创置祖祠，移建宗庙，皆君子之先务也。及壮读邱文庄公题庾岭张文献公祠记，有云：息肩於古松之阴，寓目於新享之下。而知祠宇之设，原为后人景仰观法之所。记之所为不容己也。因念余族姓发迹之由，在昔讳鼎臣公当有宋季叶渡琼，览珠崖名胜，遂占籍於琼山渲洲图海田地住。一传而讳元隣公，移龙岐。再传而讳绍圣公，移条岐。历金元之世。门祚尚属稀微。迄鼎易朱

明，有三世祖讳道宏公。膺洪武二十年岁贡。嗣后似续蕃昌。四世祖讳复孙公。又膺贡选。五世祖讳才灿公。食饩胶庠。六世祖讳亨公。举正统辛酉乡荐。七世祖讳克昌公。登成化庚子贤书。八世祖讳端公。优廪生。列卓行喻义。其时族蕃姓著。立庙作室。盖尝赫厥声而濯厥灵矣。厥后九世祖讳有典公。十世祖讳试魁公。尚安故里。奈至万历三十三年乙巳。海陷丰华。演顺七十餘村。众兄弟怀崩陷之虑。俱谋播迁。而十一世祖讳耀宗。荣宗二公。爰挈家而移回琼城东门南桥住。至十二世祖讳一缙。一绅。一绶。一经。四公。基址未定。世值沧桑。缙绅绶三公俱失传。而祖庙几荡然矣。幸得经公生君聘君弼二公。以延长禋祀。而十三世之脉始绵。迨本朝国初。十四世祖讳桂芳公。以南桥嫡派。入居福庄。传十五世祖讳志学公。虽秉铎乳源。而独力难支。祖庙仍未建立。至十七世伯曾祖讳廷瑚公。痛先世血食无依。爰邀本支兄弟。协力捐资。於乾隆初年。建小宗祠於逢龙西边。祭十三世继嫡派祖。弼公以下至十六世祖讳享焕。伟宠利五公。迄乾隆中年。讳廷璋。廷琇二公。并集君聘公后。捐建大宗祠於西园村前。祭宋来琼始祖。及历代祖。斯时大宗小宗。东西相望。祖孙对观。先灵亦可稍慰矣。然未得同堂聚首之乐。庆祖宗之心。犹未遂也。至同治元年岁在壬戌。逢龙小宗祠圯。